

30.03.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 410748/07

ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ

5883 Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով 30.03.2020թ. թիվ
վարչական իրավախախտման վերաբերյալ արձանագրությունը և կից նյութերը,
ՊԱՐԶԵՑԻ

Ա/Ձ Արծրուն Եղիազարյանը (ՀՎՀՀ 54678484, հասցե՝ ք. Աշտարակ, Թադևոսյան 8) ՀՀ հարկային օրենսգրքի 270-րդ հոդվածի 1-ին մասի իրավահարաբերության ծագման պահին գործող խմբագրությամբ /փոփ. 27.06.2019թ./ սահմանված ժամկետում չի ներկայացրել ընտանեկան ձեռնարկատիրության սուբյեկտի իրացման շրջանառության հարկի 2019թ. հաշվետվությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Պատշաճ ծանուցված լինելով, գործի քննության վայրի և ժամանակի մասին՝ ակտի հասցեատերը ներկայացրել է առարկություն այն մասին, որ 2019 թվականի դեկտեմբերի 15-ից մինչև 2020 փետրվարի 9 բացակայել է ՀՀ-ից: Արտերկրից հաշվետվություն ներկայացնելը չի հաջողվել զուտ տեխնիկական պատճառներով, այն է կայք մուտք գործելու, էլեկտրոնային եղանակով հաշվետվությունը ստորագրելու պատճառներով: Վերադառնալուն պես առաջին հնարավորության դեպքում ներկայացրել ընտանեկան ձեռնարկատիրության սուբյեկտի իրացման շրջանառության հարկի 2019թ. հաշվետվությունը և խնդրել է ներողամիտ լինել:

ՀՀ Հարկային օրենսգրքի 33-րդ հոդվածի 1-ին մասի 3-րդ կետի համաձայն, Հարկ վճարողը (հարկային գործակալը) և դրա պաշտոնատար անձը պարտավոր է՝ Օրենսգրքով և վճարների վերաբերյալ Հայաստանի Հանրապետության օրենքներով սահմանված կարգով և ժամկետներում հարկային մարմին ներկայացնել հարկային հաշվարկները:

Մինչդեռ վարչական վարույթի շրջանակներում կատարված ուսումնասիրությունից պարզ է դարձել, որ Կողմն ընտանեկան ձեռնարկատիրության սուբյեկտի իրացման շրջանառության հարկի 2019թ. հաշվետվությունը ներկայացրել է օրենքով սահմանված ժամկետից ուշ՝ 05.03.2020թ, ուստի առարկության հիմքում ընկած փաստերը չեն կարող հանդիսանալ վարչական պատասխանատվությունից ազատման հիմք:

Նկատի ունենալով, որ արարքը նախատեսված է Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33-րդ, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասի՝ Արծրուն Եղիազարյանի նկատմամբ կիրառել վարչական տույժ՝ նշանակել տուգանք 10.000 (տաս հազար) դրամի չափով

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝
Վարչական տույժ նշանակելը վարչական իրավախախտում կատարած անձին չի ազատում այն պարտականություն կատարումից, որը չկատարելու համար նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն արվելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:
Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեմարին. 900005240487՝ վճարման անդորրագրի <<նպատակ>> դաշտում պարտադիր նշելով որոշման համարը:
Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը